


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館

浙江圖書館



浙江圖書館

皇明名臣琬琰錄卷之二



戶部尚書鄭公墓誌銘

戶部尚書鄭公墓誌銘

戶部尚書楊公墓誌銘

莊簡鄒公神道碑

鄒文盛傳

尚書李公傳

文敏李公墓誌銘

西陂劉公墓誌銘

瑯琊

王世貞續編



張文憲

張璧

廖道南

胡直

翟鑾

浙江圖書館

樵村賈公神道碑

戶部侍郎卓公傳

焦公神道碑

戶部左侍郎孫公行狀

明山王公傳

野田先生傳

斗菴韓公神道碑

潘恩

鄭曉

王直

楊廷和

靳貴

浙江圖書館

明故資政大夫戶部尚書鄭公墓誌銘

公諱宗仁字體元姓鄭氏其先河南祥符人曾祖諱輝洪武初隨其弟萊州同知亨謫任丘遂家焉祖諱鐸倉副使父諱綱俱以公貴累贈資政大夫戶部尚書祖母陳母宋俱贈夫人公初孕宋有異夢生而慧悟老長噐年十一補縣學生隣有爐錯地躍起盤旋人恠之公至輒墮或曰是豈凡子哉成化十六年舉順天府鄉試為一經之冠二十三年第進士擢戶科給事中弘治二年奉 勅覈薊州邊儲孳奸剔蠱人咸畏焉巡視光祿寺陳節供應專任使實邊儲汰冗食四事五年天下郡縣以灾告者百九十餘處

公䟽請賑卹明年灾倍於前復䟽言之有建議者以國用不足欲令齊民得入粟受千百戶仍帶俸公曰名器濫至是耶此令一下軍士將解體况一時所得不足償帶俸之費抗䟽言之復上崇 聖帝嚴考察理寃滯三事多見采納晉尚寶司丞十七年轉南京太僕寺少卿陳馬政四事深切時弊正德四年改太常寺少卿明年晉南京太僕卿尋改北奏增庫官一員典錢穀六年改光祿卿時權奸用事費出無經公據弘治初元供應例日省百金先帝偶幸光祿涼樓公承命進芽茶等物僚屬少之且虞得罪公曰有罪在我或傳 上且去笑為節儉管家云七年擢都察

院右副都御史提督鴈門等關兼巡撫山西始至訟者二
千餘人公令各以情言不者梟而遣之遠邇肅然出路引
若干下之郡縣每引令入粟四斗得若干萬餘石 宗藩
缺歲祿公奏以粟募人取鹽於河東運司正額外得鹽二
十萬引與商易芻粟以給邊令民以歲租折銀以給 宗
藩人以為便孟縣礦賊千餘人流劫村堡公檄鴈門寧武
兵合民兵捕之斬首二百級擒其首惡餘黨悉降有欲以
捷聞者公却之各關缺馬公市千三百餘匹復請太僕寺
馬三千分給軍士仍時廩犒禁侵牟於是軍士欣躍復伍
者二千餘人偏頭關西北二百里許曰草梁山有甘泉甚

虜恒恃以掠我遇警公令藥之寧武城北山險虜每據之
瞰我堅脆公益以雉堞又於沿邊坎地為窖增於舊者十
五虜知我有備邊患稍息居一年民隱吏治利害有當興
革者輒䟽言之其更將領裁冗官建學校諸䟽俱報可
九年召為戶部右侍郎提督倉場明年監通州水兌陳六
事十二年宣大二鎮奏虜且近邊命兼左僉都御史往
督軍餉未幾先帝幸宣府又幸大同公從十五騎先驅
會計芻粟三晝夜冒險行六百餘里抵懷仁是夜凡五嘔
血且血淋下部公弗覺也以應州之捷賜蟒衣三襲廕
一子錦衣衛百戶世襲公辭且乞歸不允十六年奉懿

旨迎 今上干新鄉扈從至真定犒之羊酒至良鄉饋之
盤飧 登極後降手勅進一品俸賜彩幣二表裏白金三
十兩及人口以秩滿九載加俸二級尋晉尚書仍總督倉
場嘉靖元年三月 上視太學釋奠 先師公分獻東廡
漕司故有折耗四十七萬餘兩以給般剝之資多為典銀
守者所侵公置綱司簿稽之以十一月二十四日卒距其
生景泰四年 月 日得年七十有二訃聞 命禮部諭
祭者再工部營墓域公配邊氏南京刑部侍郎諱之從女
先卒累贈夫人繼朱累贈夫人子男四長沂散官次濂鄉
進士次淳國子生次淵縣學生女二長知州玉希用次國

子生房大同其壻也孫男六棠錦衣衛百戶斐鴻臚寺序
班槩縣學生槃樂柴俱幼女六長適工部員外郎王承恩
次百戶邊湜次胡彥次縣學生閔燾餘在室公噐宇凝重
孝友天至與弟同饗垂老無間言歷官三十有六年備經
理亂而隨事克舉其職綜理周慎言議每存大體不涉詭
激卒以功名終於乎亦難也已漁卜以卒之明年 月
日奉公柩歸葬任丘東阜門東祖塋之次先事以翰林廊
編脩子元所速狀請予銘與公同 朝夕知公篤厚君子
子也塋宜銘銘曰 猗嗟鄭公既直且溫以言為責則盡
其言再南而北考牧斯番奉常光祿各有司存一敬吾事

母問簡繁乃秉節鉞以臨晉代先我享惠銷彼宿憊申我
紀律作之勇銳有嚴武備不在關隘矧多建議條上利害
天子有召入副司徒邊遽告急往督軍儲心計手畫言不
言劬六師供億日惟所需亦既歸止寵賜亦殊龍飛之運
遠迎于衛秩滿奏功旋正卿位豈不乞歸志則未遂渥其
卹恩丘園之責有欲知公視此刻誌

浙

江



浙江圖書館

戶部尚書鄭公傳

西京許宗魯撰

尚書鄭公諱宗仁字體元任丘人也鄭氏皆祖滎陽故任
丘之鄭自祥符徙至尚書始大顯奕尚書初治詩遂魁鄉
試尋登成化丁未進士即授戶科給事中首上疏論光祿
無益之費勸上躬節儉以率臣下嗣又論考察刑獄諸
事皆見采納其論鬻爵一疏尤為剴切朝議倚以為重
久之陞尚寶司丞晉晉太僕太常少卿又晉太僕光祿卿
乃其修牧政虔祀事謹供應皆盡其職既又以資望晉都
察院右副都御史巡撫山西是時權幸干政地方多故邊

事績廢儲用為闕乃又能弛張合宜經畧有緒于是戰勝
守固內安外攘屹然為長城之倚已而 召入為戶部右
侍郎提督倉場乃陳水兌六事既又晉左侍郎兼左僉都
御史整督宣大糧餉時 武皇御戎饋餉之殷非尋常比
乃躬躬勞忘憊六軍飽飫無不勇躍思戰故應州之捷

賞賚居首由是 錫以蟒衣蔭以世職皆 殊典也 今

上御極乃晉尚書加一品俸職守如故其于軍國之務井
然畢飾未幾卒于官 朝廷恤以耆舊之典 賜之祭葬
于 制有加子四沂為散官濂為安慶府同知淳為 秦
府左長史淵為國子生孫子八人榮為錦衣百戶蓋世襲

也餘曾孫七人皆能世其業論曰往余為御史時適鄭公
為侍郎為尚書蓋與之同朝久矣御史于百司政務得
與聞舉措于諸大臣得論奏其臧否是時臺中諸御史論
鄭公清純樸雅不逐時尚有先輩典刑且謂其水允六事
漕事允賴其綱司簿釐杜侵漁無毫髮隙漏皆經國遠圖
克舉司徒之政者今考家狀歷歷具備與臺論若左契然
至其屹立于紛蕩之時不賈禍不移守非中和其德或未
之能也昔者鄭伯世為司徒善于其職周人愛之為賦緇
衣之詩今觀鄭公歷仕四朝始終一軌蓋能迓續先美
者矣故人之見者尚其行聞者仰其風其愛慕之誠揆之

緇衣殆無忝焉爾已記曰于緇衣見好賢之誠孰謂今人
古人情有不同哉贊曰偉哉司徒厥維老成秉德勵政為
國之楨桓武佐周公也儀刑緇衣之好丕振休聲

浙江圖書館

榮祿大夫戶部尚書紫泉楊公墓誌銘

崇德張文憲撰

公諱潭字宗淵號紫泉姓楊氏保定新城縣人也六世祖
秉忠元延佑中進士官至開封尹生晉卿生士文士文生
雲國初以孝義聞雲生玉功授錦衣衛百戶玉生能寔惟
公考祖若考俱以公貴累贈資政大夫戶部尚書祖妣崔
氏妣宋氏俱累贈夫人公始生母夢火光入室資政公異
之曰是文明之象也公後穎敏書史日記千言果成化丙
午魁順天鄉薦丁未登進士第資政公喜曰厥兆信有徵
哉觀吏部政冢宰三原王公嘉其老練初授刑部主事審

免簡孚獄無寃滯嘗冬月提牢憫囹圄之苦令餽食以時
兼給椒飭衆囚德之弘治癸丑丁外難乙卯服闋擢光祿
寺丞光祿典大庖供億繁夥公出納詳明百務胥飭中官
常宰等七十人餼廩先奉旨往支復營傳懿旨覲再得公
疏爭之事下禮曹議竟得請其它省浮費寬民力祛宿弊
良法率稱是戊午考績授儒林郎庚申陞本寺少卿聞益
彰著癸亥再考授奉政大夫正德改元將命祭告海嶽回
上民瘼四事切當時務未幾轉南京大理寺丞始至即視
篆適魏國公僕犯謀殺人罪有欲高下其手者公鞠得實
竟寘于法丁卯改北大理轉左再進少卿于時逆瑾掌內

厥專事羅織其叅送諸獄每乖正法公堅不少阿廣寧
伯義男為其叔毆死瑾坐祗命公曰縱使親姪孫法且不
死矧義姪孫乎不從瑾銜之乃摭摭它事罰出穀五百石
然輿論惟公是直也已已陞光祿卿公脩厥初政而剔蠹
益力卒未陞戶部右侍郎總理倉場命初不會征討流賊
改公隨軍督餉公請發帑銀分路糶復取存留者從權協
濟儲峙悉盈羨公以兼憲職乃劾奏山東巡撫張鳳酗酒
怠政捕盜都憲寧杲及指揮江彬貪功妄殺併論諸將老
帥玩寇疏入上嘉之鳳坐落職餘罰治有差仍降旨切責
董帥者一時風彩凜然自是諸帥始協謀戮力而賊平矣

捷奏晉公俸一階廕子入監賜宴於禮曹兼有金幣銀牌
之賜癸酉轉左侍郎甲戌考績再承廕如例丙子奉勅脩
理京東運河橋道甫落成復

於宣大時虜壓境

兵馬大集公區畫有方輦輦遠邇城堡胥各克備事峻
還上賜麟袍及金幣復廕子如初戊寅陞本部尚書總理
倉場公具疏辭上以溫旨慰畱先是督倉中貴率憑籍專
愎公接遇以禮而事不與議且歸併剝糧革久濫官攢以
祛煩擾平收斛面以絕通賄人咸服公剛正己卯改滋部
事尋賜蟒服玉帶以榮之適寧藩邁變上親征百官景從
供應急於星火加以恩倖之賞賚無紀客兵之支費益增

公劑量計處日不暇給隨取具足中外倚之庚辰考續上
遣中使頒賜羊酒楮幣授資政大夫上贈二代及元配高
氏封繼配王氏如制是歲冬駕自南旋駐蹕通州時江彬
擅權矯詔召公欲報復加害公芻粟羸餘無隙可乘竟弗
遂辛巳夏公倦勤懇乞骸骨疏再上始得旨戊子以尊號
覃恩詔進榮祿大夫甲午公卒訃聞上命禮官諭祭者二
命工部營葬事恩遇始終人咸榮之公自退休杜門謝客
日惟課子誦讀或掃室焚香斂襟危坐興到命酒賦詩陶
然自得其所制作奏議外有泉翁筆草紫泉小稿對學押
韻藏於家惟公端慎誠慤動循矩矱孝友之行根於天性

交朋以忠待物以恕平生無疾言厲色雖奔小遇必以
 禮卒然之際不為勢屈不為利疚而宗杜生靈之念惓惓
 靡忘有古大臣之風云高大夫人為濟陽衛千戶高公全
 女賦資柔慧始嬪于公時舅庶姑蕭在堂夫人奉事惟謹
 得其歡心比相繼棄養夫人哀痛無已歲序祀享必極虔
 恭某綜理內政及盈歉以酌出入家用賴之封安人之命
 方下忽遭疾不起王夫人之父諱茂忠義右衛千戶夫人
 少凝重寡言笑有識者占其不凡比歸公力任閫治條理
 精密巨細畢舉公中外歷剔得以盡心王事者夫人佐助
 之功也先是公年四旬未立後夫人為治副室陳氏冀廣

嗣續夫人久不育忽有娠生男既乃連得三子男三衆謂
善念所感後陳生一子夫人視猶己出長為婚娶與諸子
同既而不祿夫人哭盡哀待陳原終身人以為難夫人性
簡樸服食弗尚侈靡誨訓諸子務俾讀書循理期振家聲
御諸婦以嚴正恩洽宗淵慈逮卑幼持家處事成規可法
榮祿公既沒而閨門外內斬然不殊往昔咸稱為女丈夫
云生景泰乙亥八月二十五日卒於嘉靖甲午八月十六
日享年八十高夫人生於成化戊子八月十一日卒於弘
治戊午十一月二十一日享年三十有一王夫人生於成
成化壬寅三月三十日卒於嘉靖癸丑四月十一日享年

七十有二子男四長木漢陽府知府次相潞安府通判次
樞太僕寺丞皆王出次桓陳出木與相桓俱先夫人出女
一適鴻臚左少卿朱福亦王出孫男八文高文藻文先文
煒文耀文炳文煥文烱文先補學官弟子員餘方懋於學
孫女二長適工部侍郎林公鳳之孫錦衣衛百戶守爵次
幼初高夫人沒權歷都城東後公卒塋於激縣永寧里松
垆村之原逮王夫人卒啟公窆而合塋焉禮也太僕君持
公壻朱鴻臚以介所著狀謁予涕泣請銘予忝鄉邦後翁
悉姆德譽稔矣誼不可辭銘曰公奚從生寔鍾間氣馳騁
天衢弘施經濟明達方正法振靈清官箴恪守侃侃英風

直忤權奸竟遭媒孽禍延於家法伸於國兩督軍餉師行
糧從隨用豐裕士飽馬騰捷獻皇廷錄功居最恩賚優隆
南宮飲至地鄉正位時值多難度知心計國儲源源帝軫
勲勞賜蟒賜玉因賁光世廕綏後祿辭榮引退全節完名
丘園壽愷人中之英懿哉二配咸有一德儆戒相成徽音
烜赫深培厚積瑞慶滿門冠裳接武繩繩子孫永寧之所
載合銘勒幽宮千古斯耀

浙江



浙江圖書館

資政大夫戶部尚書贈太子少保謚莊簡鄒公神道

碑

石首張壁撰

吾荆江之上有耆碩曰鄒公諱文盛字時鳴以戶部尚書
致仕越八年卒于家上聞訃嗟悼遣官諭祭賜之誥命勅
有司營兆域仍贈太子少保謚簡莊朝之薦紳士咸謂公
江漢表靈饗茲完福顯有令德為世寡儔嗚呼其斯令終
爾矣鄒之先有仕元為翰林學士曰以仁者支屬繁衍遂
為南郡著姓後兵亂譜逸世次莫考公曾祖考仕旻祖考
諱渙考諱廉祖考考俱贈資政大夫戶部尚書曾祖妣劉
氏祖妣胡氏妣楊氏祖妣妣俱贈夫人從公貴也公少儁

爽有大志稍長學尚書為諸生文名崛起成化丙午薦于
鄉明年會試禮闈不偶入太學時瓊臺丘公慎許可甚器
重公弘治癸丑舉進士被簡為吏科給事中侃侃有直氣
已未奉命覈兩廣邊儲以父喪去服闋陞刑科右給事中
乙丑陞兵科左給事中以母喪去服闋仍除前職己巳陞
戶科都給事中常所上疏如崇儉約省課稅裁撫治及飭
邊備廣儲蓄請設憲臣以督捕盜處番舶以通貨財鑿鑿
切治体遼東守臣不戢奉命往勘公據法按其罪又覈兩
廣邊儲釐革奸弊嶺表肅然時上官岑濬謀叛公謂叛起
于激而成于黨乃亟陳處分狀竟阻閣未行諸謂公資望

當得京堂官以忤權貴乃出守保定公歡然就道至郡即
問奸覘恤貧難有豪家爭地土上官數案不能直公直之
竟歸之民時逆瑾扇虐金吾瓜牙之士如虎而冠公一不
為禮或勸公盍毀方以避翫公曰吾知盡吾職守脫不免
命也瑾尋敗趨附者多罷官左秩人方服公之見云辛未
陞左叅政督餉山東會劇盜破州縣殺長吏我軍需餉甚
急公調發飛輓未嘗匱乏癸酉陞福建右布政使甲戌轉
雲南左布政使其守臣俱緣方貢索取無厭公抗不從守
臣銜之乃摺摭細事中傷公持益力卒亦不能有加也乙
亥貴州諸酋不逞先是巡撫以玩寇落職武皇帝命吏部

就近推用公時左雲南遂陞都察院右副都御史巡撫貴
州兼理軍務公至繕兵儲讓不遺餘力時諸酋恃儉來抗
我軍乃復徵川湖土兵征勦公下令曰是役惟爾衆盍相
果毅惟命不迪者有常刑首功者受上賞令既下乃分兵
進勦大破之斬首無算蠻獍底定且嚴戢將士脅從罔治
夷人翕然歸之凱奏武皇帝嘉悅賜勞璽書陞俸一級廢
子一人做世襲百戶公悉辭免庚辰改南京都察院佐理
院事辛巳今上入承大統擢公戶部右侍郎尋轉左國有
大計多所贊襄甲申陞南京都察院右都御史振揚風紀
吏人股粟未幾陞南京戶部尚書會畿輔歲饑廩藏空虛

公憂之乃移文督催諸逋襁屬載道士飽而廩漸克又覈羨餘復水兌多見施行軍民德之丁亥滿考乃疏乞休詔弗許特旨改戶部仍再上疏未允乃北上考績有寶襁羊酒之賜嗣是入侍經筵陪祀分獻上寵錫幣帶及御書皆渥恩也公益感激圖報凡四方水旱悉請于朝蠲租賑災恐後諸馬房欺隱冒破餼料公請官清查奸慝罔伏其議處鹽錢二法切中時宜至今稱便戊子秋馬夫人卒哭之慟乃引年乞骸骨者再上命御醫診視遣中官備物臨問公歸思堅不可回懇請益力乃得旨令乘傳歸後夫月米倍于常格仍賜勅褒獎陞辭日賜內饌并寶襁為道里費

維時中外士類聚京師者聞公勇退及上渥恩無不人人
歎慕謂今皇帝踐祚以來大臣之歸于公僅見公亦自以
獲諧所願訢訢為樂而歸也歸且委情林壑斷迹城府里
中故有社公與梅庄方伯諸公遍約為會賦詩飲酒相誤
樂為文典則莊重有默菴集及奏議若干卷藏于家公體
貌端凝襟度洞豁歷官餘三十餘年恭謹廉飭據法守正
在公無懈志在家無惰容君子謂公知幾明哲可方漢二
疏云平生事親孝親歿哀慕終身為侍郎時奉使過家焚
黃先壠哭盡哀觀者歛歔泣下邑舊有竹林道院祀宋寇
萊公公請修葺祠宇歲舉祀儀時論躋之家居自奉甚儉

遇有困乏必盡力調賑懸車以來聞望益隆薦者至再上
勵精化理寤寐壽俊每詢必及公海內亦想見風采咸望
召用詎意公一病竟不起悲哉公生天順己卯六月二十
一日卒于嘉靖丙申八月十六日春秋七十有八卒之日
神采不亂視死如歸鄉閭老稚莫不殞涕元配馬氏累封
夫人柔惠慈良先公卒子男二長廷澤以恩廕入太學器
識將遠到娶同郡汪御史女次廷濟國子生娶曹氏繼李
知縣孫女女六長適庠生李續俱早世次適何方伯子愷
雅州判官次聘貢生蕭韶卒次聘州判薛君子良諫孫男
二璵琳孫女二廷澤等將以嘉靖十七年四月初六日塋

公白湖里之陽啓馬夫人之隧合焉乃走京師持梅庄何
公所為狀請銘隧道壁感念老成淪落且憶先贈侍郎兼
學士東軒公于公有夙好義固弗容辭也乃按狀揭其大
且要者叙而銘之銘曰昔我孝廟獎重諫坦公為給舍直
挺孤騫陟彼畿方曰二千石鋤奸植良罔避艱劇再臨藩
服鉅盜長驅公監兵餉時其轉輸粵惟南鄙群醜跳梁授
公節鉞中丞孔將出清道塗入掃巢穴帝曰汝之烈上纂
天緒累置崇階兩京勞勩祿與名階公在都臺肅持綱紀
公在民曹誓堅操履上方眷注遽邇引年荷天隆眷解組
歸田于于黃髮終老人亦有言公旋何早七十餘年曰考

終命紛彼貪夫漸滅殆盡帝念元老溥以卹恩朝紳相慶
恩寵便蕃維孝與忠公也允蹈視履考祥胡弗期耄噫其
亡矣弗亡者存是謂百順若子而孫黃山白湖上有玄宅
勒石以銘用昭無極

浙江圖書館

浙江圖書館



浙江圖書館

鄒文盛傳

廖道南撰

鄒文盛字時鳴公安人其先有曰以仁者仕元為翰林供奉傳至仕旻生渙渙生廉廉生文盛弘治癸丑進士授吏科給事中命覈兩廣兵儲服闋改刑科右給事中上言災異十事按事遼東條列邊計乙丑轉兵科左給事中己巳進戶科都給事中疏陳崇節儉省課稅裁撫治飭邊備廣儲蓄深切時政大忤逆瑾出守邊定府至郡革奸魑恤困窮百廢具舉辛未擢山東叅政會劇盜殘破州縣極意撫輯甲戌遷雲南布政使值貴州土酋嘯聚香爐山僉謂無以易文盛者陟副御史巡撫征剿會徵川廣土兵克之都

蠻焚攝服賜勅褒賚有加庚辰命理留臺 今上登極

晉戶部侍郎與司徒孫九峰公秦鳳山公後先相繼多所
贊襄復加右都御史握憲留臺丕振風紀人不忍欺未幾
陟南京戶部尚書畿輔歲饑調度充裕召入掌邦計凡四
方水旱蠲租賑荒各邊匱乏發帑固圉悉中時宜時張桂
起自郎官叅大政而邁會喜功之士趨之如蟻文盛恪守
法堅執不從遂大忤乞休卒年七十有八 上聞哀悼賜
之恤典有曰卿器資端慎才識閎深奮跡賢科歷官諫署
出遷大郡卓異彰能荐長名藩旬宣茂績屢升憲府風紀
肅清再佐卿曹輿情允屬兩正司徒之位克殫國計之勞

出入 三朝迴翔四紀朕方求舊圖任老成比屢懷悃之
辭獲遂優閒之請宜臻遐壽胡遽長終茲特贈太子少保
謚莊簡冀爾明靈服茲寵命子廷澤都事廷濟大學生大
學士碩鼎臣銘其墓曰九川七澤地靈渚殷鍾賢毓秀乘
會昌辰忠言直節為國蓋臣盤錯屢試器利如新樹勲巖
廊正笏垂紳 明良都俞一德有鄰惟德濟時惟德潤身
功成身退人稱哲人

史南曰 臣翁五洪大夫與莊簡公為同榜 臣庚辰中科甲
莊簡 遣子廷澤從游乃為撰黃山賦及其毅然而歸也
則又贈之文以故知莊簡公為今之世古之人今之人古

之心也贊曰德厚無疆業廣有常節堅不渝烈永稱光肇
擢諫垣排闥飛章乃忤逆瑾出守畿邠繼司藩省惠播甘
棠乃戡判裔勲紀旂常入握臺紀丕振大綱荐典國計贊
亮 朝堂懔疏歸老黃山高岡書

浙江圖

尚書李公

胡直撰

李如圭澧州人幼抱鉅人志工文學登弘治己未進士授江西安福令首擒豪挾數輩寘諸法邑中肅然調建安時華林盜賊充斥乃陰設間殲其渠魁居民安堵入為御史正德壬申按福建貪酷吏望風宵遁尋丁內艰終制不起者十餘年巡按何鼈薦其才復起廣西兵備副使陞陝西按察使未之任擢都察院右僉都御史會延綏大飢廷議賑濟薦圭才堪任乃列疏荒政十餘事請得便益行事上可其奏至則

問疾苦嚴法戒大布賑濟之策全活數萬人感惠立
祠祀之事竣總理河道多方䟽濬易置閘座修固堤
岸引諸湖水接濟河流由是糧運無阻黃河徙決為
患最大要在䟽導淤塞為先戒飭沿河州縣依法造
舟用鉄扒尖鋤駕舟順流隨方濬之故水得其道无
衝決患晋兵部右侍郎改吏部尋陞戶部尚書時孽
胡犯邊圉臣告急乃度其緩急先後䟽請以次解發
帑金度粟无慮數十萬軍餉賴焉嘗書弘濟艱難四
字以自厲以不善事權貴嘉靖壬寅致仕乙巳卒今
閱所上章䟽其奏賑濟有曰臣竊慮榆林軍民正切

倒懸之望地里遙遠必俟臣到彼方纔行事未免稽
遲乃遣牌差人馬上賫去行令管糧僉事張大用張
棻將五月六月分官軍俸糧一面量加折銀給放以
濟其急仍查倉庫見在銀米縱係供應動調軍馬之
需亦要暫借賑濟俟臣到彼補還及行延安府預委
官員聽候差用臣於六月十一日入境即抵榆林鎮
城時進士張志選解銀四萬兩亦至臣欲將前銀委
官糴買糧米給散審據各官軍告稱若待買米給散
則耽延日久情願關領銀兩自行買用等語及查原
發山西糴米銀二萬兩該前巡撫都御史胡忠查訪

得搬運之難不如本處就近糴買已將前銀取回臣
再加查訪相同隨行委僉事等官張大用等分投在
於鎮城及前去在外三十四城營堡審查極貧軍民
仍分別等第給銀賑濟甫及一月遠近俱已遍及軍
民稍安時夏麥未成米價尚貴又將七月分見在食
糧征操官軍仍量給銀兩其鰥寡無依及乞食者或
收入養濟院或日給以粥至今未輟并修治道路禁
捕盜賊使商賈大通米糧易糴其附近榆林鎮若綏
德州葭州米脂吳堡神木府谷各縣并綏德衛俱係
極灾地方軍民与本鎮雜處者紛紛告賑臣亦量給

銀兩賑救其各城營堡先時飢死并逃去正軍近聞
賑救死者則告乞替補逃者則自行首出其餓死馬
匹將兵部發到馬價三萬兩及朋合銀陸續給與官
軍買補并各處解到達馬亦陸續給軍領養俱已漸
次修奉又本鎮地方近年因虜寇住套不時出沒軍
民不得樵採耕牧軍馬坐困更有由然臣通行各該
分守并把總官整禦本管人馬時常擺邊架梁防護
樵採耕牧即今地方頗寧及行陝西河南地二布政
司掌印管糧僉事查各年拖欠夏稅屯蓄糧米除小
民拖欠奉例觸免停徵外其已徵在官及被大戶人

等侵欺入已或已解未獲批收并加靖九年夏稅除
延安府所屬被災州縣另行議處其餘俱要查追解
納以充軍餉与夫屯田水利預備倉糧及飭邊禦侮
開中易買節財省廢興利弊等項事宜俱各次第
施行并将進士李朝列續解到銀四萬兩斟酌事勢
緩急從宜支用外切思榆地方極邊沙漠与胡虜為
隣全賴腹裏轉運以供軍餉豈意累歲不登米價騰
貴甚至斗米值銀四錢各州縣坐派稅糧并各衛屯
蓄糧米亦各因循玩愒不行解納本鎮所管三路營
堡其糧料草西路虽有所積原係客兵不時住劄之

所難作常備全支之用中東二路甚者全无而有者亦少無以官軍月支俸糧料草折銀中間糧料該支本色者又要照依時估折銀計今每月大約用銀三萬餘兩以致軍馬餓死數多釀成非常災變荷蒙

皇上軫念邊鎮彫殘軍民塗炭大發內帑之財爰

救窮荒之命老稚謳歌感陛下再造之恩於無窮

矣其奏邊方要務有曰臣欽奉勅諭以來夙夜憂

懼惟恐庸愚不足以副聖明任使之重自速罪譴

比至延緩罔敢暇逸其餘軍馬錢糧一應禦盜安邊

要務俱各留心咨訪除當從宜具革者已經次第施

行外邊有所得七條揆之邊務頗為切要蓋不敢徒
徇目前之安而欲求為久遠之計然事体重大未敢
擅便謹用條陳上塵 宥覽仰惟 皇上光被四表
明見萬里伏乞 憫念邊鎮彫敝之餘急宜整理將
臣所奏事件 勅下各該衙門逐一查議上
請俯賜施行臣不勝懇切祈望之至

一修邊牆查得本鎮東至黃甫川堡起西抵鹽場堡
止約有一千三百餘里先年邊牆見存者少頽塌者
多以致虜寇任其徃來无所捍禦而近邊可耕地土
盡屬拋荒今欲修屯田之政當自修邊牆始庶幾軍

民有所倚賴得以尽力耕種欲修邊牆不必務為好大喜功迂濶難成之論乞 勅兵部議行總制尚書王瓊會臣并鎮守總兵官計議如東路一十三堡地方行遊擊將軍并分守叅將管理除旧牆堪以防禦者不動外其頽塌低矮者量加補築將附近堡分軍夫為班次輪流架梁用工逐漸修理其寧塞營以西工程浩大者則量添別處軍夫協濟其牆但可禦賊即是日後以漸加增不必一時過求高厚以致難成合用行糧設法區處行管糧餉事支給如此則虜不敢侵入而屯田可具地方可以永無虞矣

一守要害查得本鎮西路嚮水波羅二堡地方係虜
寇不時侵犯要路先年大舉達賊搶擄腹裏米脂綏
德等處皆由於此若嚮水有備則虜寇進退狼狽自
不敢犯要在盛兵以守之耳且嚮水去鎮城西南八
十里今照本城已有臣并鎮守太監總兵官及管糧
僉事矣又有協守副總兵遊擊將軍二員亦在城內
居住不無太多合無將遊擊將軍分在嚮水堡駐劄
就於本處見有衙門居住仍量撥官軍在彼防守添
若遊擊將軍地方有事調出臣等委都指揮一員暫
守如此則虜寇知畏而波羅歸德魚河米脂綏德一

帶可以晏然無事矣 一預儲蓄查得本鎮各倉西
路雖有所積然係客兵不時駐劄之地錢糧費用數
多中東二路甚者全无而有者亦少今歲冬計官軍
俸糧馬羸草料及墩軍夜不收加添口糧折銀等項
該臣催處已穀支用外其來年合用錢糧相應預為
整理即今虽前後開中鹽引柰何極邊沙漠更值
荒歉本處商人既貧而別處富商大賈又不願遊其
地故今已報納者則拖欠不完見開中者則無人投
報虽欲減斗頭斤重以召來之而不可遽得也乞
勅戶部計議將本鎮嘉靖十年常例銀三萬兩再於

各庫動支銀七萬兩作急差官解送臣處交割聽臣
趨今秋成易買糧料草束以備來年之用庶免臨渴
掘井無益於事之患矣 一發馬價查得本鎮近因
飢荒馬匹餓死數多已將兵部發到馬價銀三萬兩
及官軍朋合銀俱給軍買補又將陸續解到達馬給
軍領養各處土兵令其自行買補并行巡茶馬御史
閔領招番易馬二千匹外較之前日似有可覘但查
得尚欠馬四千三百餘匹遽難補完誠恐各處地方
有警動調數多缺馬誤事乞 勅兵部查議不為常
例再發銀二萬兩作急差官解送前來買補馬匹庶

士馬精強緩急有賴矣 一慎動調查得本鎮副提
兵管竒兵營人馬一技計三千名匹遊擊將軍管遊
兵營人馬一技亦計三千名匹每遇動調又有馱馬
隨行其前項人馬原係分布各城營堡之數近有每
遇動調將各軍不分地里遠近賊情緩急將本營人
馬盡數調發以致軍馬徒勞錢糧浪費坐受其弊深
為不便合无今後遇有動調各營人馬聽臣會同鎮
守提兵官酌量地方遠近賊情緩急定擬多寡名數
務在得宜行令統領前去度軍馬不致徒勞錢糧不
致浪費而攻守亦兼濟矣 一處備禦查得本鎮每

年有各處官軍在鎮備禦費用行糧數多今歲因地
方災傷倉庫空虛該兵部題准行總制尚書王瓊
議處免其上班存留錢糧以供本處官軍深為便益
臣已將各處營堡舍餘及附近軍民俱編成隊伍并
總小甲管束各備衣甲器械有警協同官軍防守截
殺有功照例重賞外今照本鎮飢饉之後即今軍民
雖稍安集而倉庫則尚空虛乞勅兵部議行總制
尚書王瓊將前項備禦官軍或再免嘉靖十五年上
班或分置腹裏有糧地方聽調省下錢糧以補本處
官軍缺乏若欲照旧本鎮備禦就便議處合用錢糧

供給度臨期无誤事之患矣 一重催徵查得本鎮

各倉每年坐派夏秋稅糧并屯糧西安延安慶陽三
府所屬州縣并延安綏德榆林三衛上納陝西布按
二司虽設有管糧管屯官經年不到前項府衛催徵
以致官民縱肆侵欺拖欠數多倉廩空虛皆由於此
合无今後每年管糧管屯官須要二次到於前項府
衛州縣查理催併其河南布政司每年額該解本鎮
夏稅銀三萬三千兩今查每年俱有拖欠該臣已行
催外合无行河南布政司着落掌印管糧官將前拖
欠并将嘉靖九年及以後年分銀兩俱要依期催解

完納如陝西布按二司管糧管屯官并西安府州縣
掌印管糧官各不行催徵及河南布政司掌印管糧
官將夏稅銀兩過限不完俱聽臣指名奏叅任俸提
問如此庶幾人心有所警畏錢糧得以早完而邊鎮
无匱乏之憂矣 其䟽漕河有曰切惟軍國之儲必
資於轉運河渠之設貴在於䟽通故用人圖治則選
奉之法在所當重而因時制宜則更張之道不容少
緩欲錢糧之無弊則當慎出納而嚴稽考之條圖工
程之永固安可忽輕而效焉且之計是皆漕務之所
當急而先者也臣欽奉 勅諭已將運河一帶淤塞

去處督率各官調用人夫疏濬河道俱已開通二月
以來少雨臣乃疏濬泉源導引諸水接濟運河今糧
舡盛行无阻陸續前進除應該處置事宜各另施行
外臣督理之餘復有見聞謹用條陳五事上塵

睿覽伏望 皇上俯念漕河重寄將臣所奏特 勅

戶部再行查議上 請定奪早賜施行其於漕務不
無小補一任才能以奉泉政查得山東地方一帶開
座漕河全賴泉水今查泉源通共一百七十六處散
在泰安莒州汶上莒縣先年兗州府專設管泉同知
一員管理所以分理主事之任也近年以來各處山

水泛漲大風揚沙及黃河衝決泥沙將泉源并泉河
多被淤塞以致泉流微細又有因水漲衝決河防致
水散溢不由運河置之无用每年虽有濬泉之名全
無实效要之官不得人耳查得本府管泉同知見今
員缺行委該府首領官帶管合无推選廉能素著官
員前來管理庶官得其人而疏濬修治之功可以責
成泉政其庶乎奉而運河有濟矣 一處閘座以均
水利查得山東地方一帶漕河俱設閘座盖因地勢
高起水流剋陡迅先年相地設閘以濟之耳百餘年
來地勢水勢不无小有变迁近年管理官員又因稍

有不便未免隨時增改之間又為旧閘所拘乃致宜
於此者不宜於彼臣今姑牽一二處言之如天井閘
至在城閘止一里三分在城閘至趙村閘則八里是
以一里三分之水而欲濟夫八里之閘也棗林閘至
南陽閘止一十二里南陽閘至殺亭閘則二十里是
以一十二里之水而欲濟夫二十里之閘也其他閘
座間以類此虫是相地設置而太過不及不應如是
之甚是以閘河之水此盈彼涸往往稱淺多緣於此
合无聽臣督同各府官員逐一相度詢訪中間應照
旧者照旧應改設者先為土壩以驗其宜否則果相

應則吳工修閘原閘官吏人夫即移此處田閘且不
廢但不啟閉俟其年久行之順利另議則水道均平
而舡隻无阻誤矣 一砌閘壩以垂永久查得運河
一帶有應設減水滾水障水閘壩及牽路橋梁有原
未曾設者有舡已設止是土填未曾石砌每遇水漲
衝去頻年勞民修築者有已砌石年久未修崩缺者
及沿河堤岸有緊閘應用石砌去處而未曾砌者揆
厥所由盖因採石之難耳合无聽臣行移附近州縣
僉取石匠議定工價於河道銀內支給令其赴就近
山場採取大小石塊應用使各處閘壩橋梁及沿河

緊要堤岸俱用石砌不惟工程永固運河得濟而入
夫亦免煩擾之苦矣 一治潮陂以裨運道查得山
河一帶運河固資泉水通流而各處昭陽南望蜀山
馬場伍文安山苜湖陂俱係受水去處可為運河之
濟但年久不治委之无用甚至淹沒地土及為民害
又或被人侵占取利肥己无補漕河合无聽臣委官
查看前項湖陂被人侵占者責令退出还官督率額
設人夫周圍修治堤岸使水无散漫挑磨淤淺開設
閘座運河有水則停蓄待用運河少水則放水入河
其地勢高者則駕水車運濟以為定規如此則泉源

有助而運河其大濟矣 一嚴稽考以革奸弊查得
河道一應銀兩先年散貯各衙門多被那借侵欺无
從查考間有事發者又監追不完近該臣議處通行
山東河南都布按三司并南北直隸各府及臨河各
州摠貯以便稽考為照前項銀兩若積貯年久數多
稽考未至未免仍為各衙門那借侵欺不得實用今
查有二十餘萬兩尚未查明况前項銀兩俱係百姓
膏脂乃不得充公家之用而為奸貪之所侵盜積弊
已久法度安在合无聽臣通查前項銀兩見在的數
明白各司府州收貯聽候河道支用不許各衙門指

以別項名色那借以致浪費因而侵盜如此則侵漁之弊革而錢糧亦得以實用矣其疏黃河有曰切

惟天下之事利与害而已矣去其害則利可具也臣欽奉 勅諭查得黃河發源俱載史傳不敢煩瀆姑自寧夏為始言之自寧夏流至延綏山西兩界之間兩岸皆高山石巖黃河流於其中并無冲決之患及過潼關一入河南之境兩岸無山地勢平行土少沙多無所拘置而水縱其性兼之各處小水皆趨于河而河道漸決矣方其在於洛陽河內之境必東之勢未嘗拂逆且地无高下之分水无傾瀉之勢河道虽

大冲决罕聞及至入開封地界而必東之勢少折向南其性已拂逆之矣又接南北直隸山東地方地勢既有高下之殊而小水之入於河者愈多於塞冲決之患自此始矣此黃河之大槩也今之論黃河者惟言其淤漫之勢又以其迁徙不常而謂之神水遂以為不可治此蓋以河視河而未常以理視河也夫以河視河則河大而難治以理視河則河易而可為淤漫之勢蓋因夏秋雨多各處之水皆歸於河水多河小不能容納遂至淤漫然亦不過旬日至於春冬則鮮矣是則淤漫者不得也水之變也豈其常性哉至

於所謂神水者尤為无據其故何耶蓋以黃瀬之水
泥沙相半流之急則泥沙並行流之緩則泥沙停積
而漸淤矣今日淤之明日淤之今歲淤之明歲淤之
淤塞既久則河高而不能行然水性就下必於其地
勢之下者而趨焉趨之既久則岸面虽堅固若水行
地下岸之根基已水浸踈散而不可支矣及遇大雨
時至連旬不晴河水泛漲弥漫蕩々以不可支之岸
基而遇此莫能禦之水勢頃刻奔潰一瀉千里遂成
河道近日蘭陽縣謂父老言黃河未徙之先數年城
中井水已是黃水足為證驗故人徒見其一時之迁

從而不見其累歲之浸灌乃以為神无足恠也為照
河南山東及南北直隸臨河州縣所管地方多不過
百里少則四五十里若使各州縣各造舡隻各治鉄
扒并尖鉄鋤每遇淤淺即用人夫在舡扒濬若是土
硬則用尖鋤使泥沙与水並行既无淤塞之患自少
冲決之虞用力甚少成功甚多且黃河水急則泥
沙又易起更有舡隻則人夫不惟免涉水之苦而風
雨可蔽宿食有所是修河之智而寓愛民之仁推而
言之其利甚博若夫淤漫之勢殆不得免所可自尽
者則在築堤防患不与水爭地耳或獲城池或獲耕

種使得遂其安養伏望 皇上軫念地方水患將臣

所奏 特勅該部再行查議聽臣督同河南山東并

南北直隸管河按察司副使張綸等備查所管黃河

州縣道里遠近動支河道銀兩酌量數目打造上中

下三等舡隻置造大小鐵扒鐵鋤分發各該管河官

收領遇有時常小淤或先年旧淤或弥漫勢後河道

新淤即便督率人夫撐駕舡隻量水之深淺用舡之

大小量舡之大小載人之多寡用心扒濬堅硬去處

則用鐵鋤俾泥沙隨水而去河道為之通流風雨蔽

於斯宿食在於斯至於捲埽去處即係水流傾瀉之

地傾於此者必淤於彼一體扒濬使水歸於中流則
傾馮之患將漸彌矣再照黃河先年由河南蘭陽縣
趙皮寨地方流經考城東明長垣曹蕭等縣流入徐
州近年自趙皮寨南陲蘭陽儀封歸德寧陵由睢州
夏邑永城等州縣流經鳳陽地方入淮其歸德蘭陽
等州縣即今水患頗大亦聽臣督行管河道責令各
該軍衛有司掌印管河官員調用人夫或將河道銀
兩雇募各修築高厚堅固堤岸并扒濬河道使務淤
塞開除自无冲決之患防護完固可免淹沒之虞其
旧黃河即有尚有微水流至徐州呂梁二洪亦合時

加扒濬使不知斷流接濟運河且分殺黃河水勢如此則河
患可息而運道亦有益矣

浙江圖書館



浙江圖書館

資政大夫太子賓客戶部尚書兼翰林院學士

贈太子太保謚文敏李公墓誌銘 諸城崔鑾撰

嘉靖甲辰歲七月一日吾友蒲汀李公卒其姻工部尚書
敬菴鄭公持狀以誌銘見請嗚呼蒲汀於吾同鄉曲有世
契少小同事筆硯登第後同官翰苑始終與公周旋則知
公者予為最不得以不忍之故辭不文也公諱廷相字夢
弼別號蒲汀姓李氏世傳文定公之後世為山東東昌府
濮州人高祖義洪武中以人材徵授官不願因充錦衣衛
校尉遂家京師曾祖後祖賢俱贈資政大夫戶部尚書曾
祖母尹氏祖母王氏俱贈夫人父瓚字宗器別號杏岡起

家進士歷任戶部尚書贈太子太保母趙氏封夫人贈一品夫人以成化辛丑五月二十二日生公公生而穎秀異拔不羣初遊順天府庠為文竒特即冠多士識者知其非常人矣冠弱舉弘治辛酉鄉薦第六壬戌進士及第授翰林院編修簡入內書堂教書正德初逆瑾專政疾惡名士調翰苑數人於諸曹公為兵部武選主事歷陞武庫員外職方郎中時邊務方殷警報不時至題覆殆無虛日公從容酌應悉中機宜瑾嘗欲用將官某人先示風旨公以公論弗可持之甚力瑾怒將以法中之公恬然自安委諸義命了不為動瑾日令偵伺竟無隙可乘公大節定見無所

撓曲類如此在職三年給由銓部太宰邃菴揚公深所器
重署考以用世致遠相期未幾瑾敗誅復公原官辛未陞
右春坊中允兼修撰丙子陞侍講學士公在翰林苑潛靜
重德望隱然凡五典文衡乙丑辛未甲戌俱會試同考而
丙子應天鄉試庚辰會試俱公主之藻鑑精明得人為盛
皇上登極公偶屬疾疏解職務上方進用賢士乙酉陞公
南京吏部右侍郎戊子公再引疾卒卯詔起之壬辰二月
丁父杏岡憂五月母夫人逝服闋乙未改兵部右侍郎知
武舉綜覈審當陞左侍郎丙申改禮部左侍郎充經筵日
講官丁酉陞戶部尚書總督倉場兼提督西苑農事公以

侍從儒臣而尤長於政事百務巨細條理精密且正身率
下所屬咸敬憚之奏舉漕運倉場興利除弊八事切中民
情文多不載聖明一一嘉納戊戌上以廷推簡用專總部
事仍兼翰林院學士公經營國計料理邊儲罔不憚心畢
力守法奉公擢貴託請一無所遂十八年加太子賓客尋
復以疾乞休致仕當路臺諫交騰薦剡奉詔起用衆方仰
公大有所為不意遂不起矣公博學洪才清操正氣敷歷
中外四十餘年歷試之效在人耳目而位儉卿曹未躋台
輔君子為之有遺恨焉家居凡五載從容山亭花竹池沼
之樂詩書之趣老而彌篤有碧山書樓時居息玩索手不

釋卷暇日或與故舊賦詩奕棋徜徉嘯咏初若未嘗處
達經世故者公之襟度意氣視世味何如也平生著述制
作甚多不克悉舉行將刊布以廣其傳公尤好善汲引士
類才名後進得公獎進者為多是以一時人心翕然嚮慕
卒之日遠近嗟悼事聞皇上念茲顯功考諸羣議贈太子
太保謚文敏典禮有加足以慰公生平距公生得年六十
有四配侶氏繼室夏氏劉氏男二人長重恩先卒次孝元
官生聘衍聖公孔成菴女俱劉出女三人長適都憲張東
磐子文進先卒侶出也二俱幼季許聘即敬菴少子珠明
年乙巳閏正月二十一日塋公於京師崇文門東樓子庄

之原從先兆也銘曰孕秀儲精王國之植寔生顯英濮原
肇迹京邑是宅乃昌世澤源出杏岡德範允彰再世彌光
弱冠雄文脫穎逸羣夙際風雲大薦翰苑儲賢侍從
有年屢典文衡至公至明多士丕成中遭奄孽弗撓弗折
精忠義烈荐積碩膚世履司徒浚發訐謨敷奏民宜國計
靡虧上下所毗經筵啓沃聖德日篤帝眷攸屬忽焉引休
勇退急流卒歲優游公於進止定見卓爾靡渝靡毀六十
四齡壽考康寧文曲墮星天子念功贈謚攸隆足顯厥忠
美玉南金今秘阡林遺惟德音銘辭匪過勒石南阿禩萬
弗磨

明資政大夫戶部尚書西陂劉公墓誌銘

公諱儲秀字士奇別號西陂姓劉氏世為陝西咸寧縣人
祖銘以公貴贈通奉大夫浙江布政使司右布政使祖母
路氏贈夫人父檜封承德郎刑部廣東司主事加封通奉
大夫浙江布政使司右布政使母李氏贈安人加封夫人
於成化癸卯六月十七日生公於尚書坊弱冠舉弘治甲
子科繼登正德甲戌進士第授刑部主事考稱授七品封
贈陞湖廣司郎中奉 勅四川祥刑平反寔多嘉靖甲申
出守鎮江府政教清簡不肅而成戊子陞山西按察司副
使奉 勅提督學政正身敷教多士彬彬有古風焉庚寅

陞河南布政使司左叅政俄以前提學時文移之誤罷歸
丙申 召起復叅楚政未幾陞江西總憲再陞浙江右轄
遇 廟恩授二品封贈庚子由楚之左轄陞都察院右副
都御史奉 勅巡撫遼東兼理軍務時遼鎮屢經兵變上
下驚疑公至鎮罷遣峻防蠲除苛政布誠推恕務在宜人
持憲脩戎慎於保境辛丑虜酋西寇錦義東犯開原公督
率將士戮力破虜斬獲數多二次奏捷蒙
恩賜白金五十兩彩段四表裏陞戶部右侍郎未閱月遭
父喪守制援軍功例蒙 恩賜祭葬服闋乙巳起授前職
繼改兵部右侍郎丙午陞吏部左侍郎三載考績又蒙

恩賜羊酒例應廕子值嗣子屢亡尚虛 成命丁未陞戶
部尚書總督倉場督理西苑農事光祿寺日給餼饌戊申
初春陞兵部尚書例應具疏辭讓公疏辭過激

聖心弗愜罷歸田里乃於城東金華落脩別墅倣古洛社
偕同時致政諸老迭為賓主歌咏倡酬公詩律最精酒量
頗洪銜盃長吟徜徉十載擬終身焉有西陂集四卷行世
辛亥六月公元配呂夫人卒夫人先封安人加封夫人生
女子數人咸早夭甲寅四月二室王氏卒其母儀婦行相
夫克家俱載公自謨各墓誌中丁巳六月暑熱感疾念宗
嗣未立告之臺史載請郡牧禮迎族姪劉光裕為嗣子入

繼大宗仍出俸資白金五百餘兩分給宗人及母族妻族
迨至戊午仲冬十二日疾篤乃召予與司徒盧書庵冢宰
王三渠大尹費交谷及其婿舉人張車至榻前伏枕告曰
某本寒儒久叨重任自念生平未敢欺天未敢病

國未敢虐民顧性行愚直疏辭錯謬待罪田里有負

國恩尚思圖報今則已矣無可為矣幸得甲子七十六已
云壽矣顧宗祧事重深用疚心雖生有五女竟未存一男
王氏李氏孟氏各有所生義無他適承嗣子尚在髫年當
事之如母有敵盧足庇風雨薄田足供饘粥但使宗祧有
主時祀不廢吾目瞑矣惟諸公籌之泣下頃臯逝矣衆相

向長法舉歛如禮以予與公相知最深乃徵銘焉公世系
具前女五人長配張主政子車舉人二配盧司徒子洪楚
三配費大尹子炫俱府庠生四配王家宰弟用卿子昌壽
五聘予次子瑛官生卜己未季冬初六日權厝於

勅脩龍首原新阡公生有竒姿眉目如畫穎悟根於夙因
學業成於早歲氣清質粹玉潤珠明見之者無弗愛敬繼
入仕籍屢踐藩臬薦登臺省敷歷中外幾五十年溫良之
德和而不流汪洋之度犯而不較與少湖徐公並稱二妙
乃於不諱之朝再罹辭語之累是得於已者常盈而制
於命者常虛也世每惜之予何忍銘公又不能不為之辭

也銘曰

維公之進才德為媒維公之退辭語為災倏爾鵠起踐斗
履台忽焉蠖屈賦詩銜盃用舍有時無平不陂公鬱弗伸
弗究厥施

皇仁無私恩命可期龍首新阡仍豎豐碑

浙江圖書

資政大夫戶部尚書贈太子少保樵村賈公神道碑

潘恩

皇明九葉 今上以神聖統一華夷四紀於茲寶曆
延長之慶愈熾愈昌疇昔罕儼其所以乂安中外成
熙皞泰和之治者豈惟 主德綦隆使然要之獻臣
才士欣助之力亦不能無也語云臺榭之建非一木
之枝太平之功非獨士之畧不其然乎是故自嘉靖
紀元迄今垂四十禩六武諸臣效忠畢慮飭修事功
輝柄簡冊者時不乏人若資政大夫戶部尚書贈太
子少保樵村賈公蓋其一也公賈姓諱應春字東陽

樵村其別號也世為真定府真定縣人正德歲己卯
中順天鄉試嘉靖癸未登進士第授河南南陽縣令
縣當南北孔道衝劇莫加又藩封在邦域之中軍民
雜揉豪右玩法難治公威惠互用境內肅清秩滿擢
知和州州事具舉巡撫唐漁石公薦其賢拜南京刑
部員外擢本部郎中盡心讞斷明威著聲司寇聞石
塘公亟稱許為尋改刑部郎中譽望益隆拜知山西
潞安府踰年改開封政以洽和人以寧便己亥春
聖天子幸承天過汴當路者檄公綜理諸務區畫詳
審綱舉目張衆服其敏無何擢陝西按察司副使會

河南巡按摺摭流議劾公勘報失實言者被謫併逮
公爲左遷山東鹽運司同知顧公論咸謂公屈俄遷
知漢陽府丁未進復陝中憲副以直前誣戍申擢布
政司右叅政寧羗賊起地方驛騷撫巡檄公視師應
時底定事聞上嘉之有幣帛之錫焉己酉擢本省
按察司使庚戌擢右布政使晉左布政使法紀風行
保釐政舉遐邇傾首德耀藹然辛亥拜都察院右副
都御史巡撫關中公繕兵積儲攘外安內全陝之望
不孤甘棠之頌斯起癸丑加兵部右侍郎兼右僉都
御史總督三邊軍務時虜酋俺荅吉囊最彊其弟若

子把都台吉吉能尤稱桀驁分部黨落散處沿邊逐水草移徙河套亡常歲為邊患又大同人丘富者狡獪之魁桀也負罪中國叛去降虜教其黨乘秋寇邊合騎蹂躪禾稼攻犯堡臺雲龍應朔諸州亟罹其害時關陝亦有震隣之虞公夙夜惕厲心殫謀防禦備至是年六月虜大舉寇鄜延公誓師率旅衝擊斬首二百三十級獲馬駝千四百餘夷器倍是醜類大衄功最捷 聞蔭一子國子生八月虜復入寇逆戰牛營斬首百二十級十月寇神木堡斬首三十級甘肅龍溝腦斬番賊十級十一月山丹斬虜首三十級

捷 聞賞白金四十兩紵絲三表裏十二月三原涇
陽捕獲奸細六人甲寅正月延綏斬虜首四十級二
月賀蘭山斬首三級路川捕奸細一人六月石峽口
斬番賊首三級八月濫泥溝斬虜首四十級捕虜一
人降虜二十八人斬番賊首五十級是月虜復寇紅
井斬首一百四十級功最是歲奏捷者三 上游錫
銀幣若前有差尋擢本部左侍郎仍兼院職總督宣
大軍務未行奉 旨仍舊總三邊會三品考績復蔭
一子國子生贈祖瑄封父隆如公官贈祖妣王氏封
母李氏俱淑人乙卯正月虜番並犯甘肅公布旅迎

敵斬虜首三十級捕虜一人招降虜十七人斬番賊
首六十級延綏石溝墩斬虜首九十級復有銀幣之
錫二月興武營斬虜首三十級延綏斬首二十級四
月涼永斬首二十級斬番賊首三級階州捕獲番賊
一人五月歸德口斬虜首三十級十二月杏樹梁斬
首八級瞭馬營斬首五級沙河川斬首八級葭州捕
獲奸細四人是年加右副都御史兼兵部右侍郎仍
舊總督丁巳正月虜大舉寇延綏斬首一百餘級獲
馬駝夷器不可勝數功最復蔭一子國子生公在陝
數年兵戎振揚自寧夏至武修築邊牆一萬一千八

百餘丈 上有白金之錫仍加俸一級是歲拜南京
戶部尚書尋改刑部尚書未幾改戶部尚書考覈章
程勾稽羸縮國計賴焉戊午夏四月二品考績 上
遣中官錫以寶鑑羊酒晉階資政大夫加封祖若父
俱尚書祖妣暨母俱夫人時公以疾上䟽得 旨致
政歸二親壽皆踰耄公承懽膝下愉愉如也居無何
疾復作不起惜哉訃 聞贈太子少保時庚申八月
二十二日距生弘治己未九月二十五日享年六十
二 公以鴻漸之翼值 龍飛之運遭逢 明聖驥
首天衢其敷歷於時郡邑以循良著郎署以明允稱

藩臬以風猷顯迨其督撫陝中厥施益普慎固封守
敷布德威邊徼諸民藉以寧息蓋力效股肱而材堪
楹棟者也葦問浹於生前世祿延諸後裔宦成身退
以功名終於戲偉矣詩云予曰有先後予曰有奔走
又云維周之士不顯亦世公其有焉秦人史官王槐
野氏常頌之曰公完德兼才方嚴敦大視聽通於千
里之外而圖畫每逮百年之遠近鮮其儔焉余寮友
霍思齋君撫循寧夏歸間常語余邊事曰自某氏之
任總督也而簠簋不飾邊氓苦之有不聊生之嗟於
是而思樵村賈公之不置也公與余為同年友余秩

貳秋鄉待公者兩閱月時公有歸志數語余曰人生
宇宙間貴適志耳僕僕仕宦之途溺而不知止者失
其性矣貞心遠度皜然不汙蓋身處紛華之地而不
忘林壑之想者歟是可以觀公之素矣公配吳氏同
德儷美先公二年卒累贈夫人其子漁卜以某年某
月某日合葬郡城東中勝坂祖塋之原而以神道碑
文屬余余迺撫其大者刻諸石若其歷官善政世系
胤嗣之詳工部尚書張爰山公載之行狀 武英殿
大學士少傅徐存齋公取以誌諸墓矣茲則畧而著
也繫之以銘其詞曰惟 皇濬哲受命自天五位龍

飛六服乾旋四岳加峻三台朗懸率土既序 帝德
罔愆允武允文超周軼漢玄澤汪流仁風四扇區宇
宅心方偶葦面人胥悅康物亦丕變蠢茲醜虜順叛
靡常鼠竄鴟伏擾我邊疆 皇赫斯怒九伐用張迺
簡俊傑城彼朔方拒拒賈公誕膺休命入揚王連出
綜兵柄震我天聲挫彼梟獍南仲方叔聯輝共暎翊
我 皇度飭我戒行金湯孔固于周有光載登八座
景烈彌章最公勛伐勒石隧旁

戶部侍郎卓公傳

鄭曉撰

卓公敬字惟恭瑞安人生質秀敏孝第七歲嬉戲相工曰
此兒骨髮殊異必為名卿恤血不革色耳年十五讀書寶
香山風雨夜歸迷失道得一兒牛馮之歸比入門乃黑虎
也洪武二十一年進士除戶科給事中改元士尋又改為
士源又復為給事中時制度未備諸王服乘多僭敬乘間為
言上曰爾言是朕慮不及此因陞宗人府經歷進戶部
侍郎建文初燕王來朝公密奏曰燕王智慮絕人酷類先
帝夫北平者強幹之地金元所由興也宜徙燕封南昌以

絕禍根夫萌而未動者幾也量時而為者勢也勢非至勁
莫能斷幾非至明莫能察建文君覽奏大驚袖之翌日語
敬曰燕王骨肉至親卿何得及此曰揚廣隋文非父子邪
建文 默然良久曰卿休矣事竟寢 文皇即位責公不
奉迎乘輿公厲聲不遜怒欲殺公憐其才且繫獄或以管
仲魏徵事諷公不聽姚廣孝惡公必欲殺公公臨刑從容
嘆曰變起宗親略無經畫公死有餘罪神色凜然經日如
生夷三族 文皇嘗曰國家養士三十年惟得卓敬後四
十年劉球傳其事 私謚曰忠貞公立朝慷慨英偉美丰姿善談
論凡天文地理律曆兵刑皆能究察文詩峭拔磊落所著

有詩文五
十卷

戶部右侍郎南陽焦公神道碑

泰和王直撰

正統己巳五月二十一日戶部右侍郎焦公以疾終于家
年五十八先是詔以叛賊思機發猶不庭假息益養命出
征之而以公主餽運抵金沙江公奉命謹甚冒瘴癘以進
軍不乏食而身則病矣然充力疾終其事師還遂浮三峽
道荆襄以朝京師公家南陽葉縣以困憊弗堪少止求醫
藥而疾加劇不能就道即奏曰臣餽師無功又不善攝養
為瘴癘所侵今瘡復作連項背勢且日甚恐不得入朝見
陛下謹具奏復命踰數日訃至上深悼惜之命禮部致祭

工部為治墳營子鈍卜年月日奉塋于之原而以翰林編
脩劉定之所述行狀來請曰先人之塋朝廷寵之禮原矣
然官至二品於法得立碑神道敢請文以刻為公諱宏字
克明世為葉人曾祖成祖敬皆不仕考英嘗主郿及洋鄉
二縣簿公貴祖考皆累贈至通奉大夫江西右布政使祖
妣程氏妣耿氏皆大夫公天性至孝事父母皆盡其道居
喪皆哀毀如禮其於為學日夜不懈學成取進士拜監察
御史守正不阿時都御史顧公馭下嚴御史有不謹禮法
者皆罷斥獨善待公嘗出接貴州貴有擬獄不決論死者
百餘人公察其實以聞皆釋免坐者十人而已公署相傳

有妖前之御史皆避之正寢不敢居公處之恬然陳都督
鎮鳳陽行有違法者人重誣之欲寘之死地宣帝疑之命
擇御史之賢且明者往廉問以命公至則為直其誣而坐
以所當罪得不死謫戍邊由是公日益有名人有受誣不
能白者皆以得遇公為幸壬子陞江西按察司副使人謂
江西俗健訟公曰吾知其人多讀書識道理吾當理論之
訟無難決者於是人有訟惟折之以理不尚嚴酷人亦感
公之德無不服從獄遂清省江西連歲歉積逋稅藩府病
之吏部侍郎由趙公任總督奏以委公公撫循勸諭民權
趨之事以辦治己未陞江西右布政益以寬厚為治察下

吏之才行者奏進之有起自末僚而為縣令者九江歲納
蘆柴而此地不產乃斂錢於民買自他所而納馬逋負歲
積民益困公為奏免之新南昌府脩公署正堂及吏舍皆
捐俸以倡僚屬故不勞而集每以公事行縣寬而不縱嚴
而不殘吏畏而民愛之尤喜興學舍獎進士類九江瀟溪
書院久廢人侵軼其地公復之建祠宇以興起士人郡邑
中有寒畯不得齒於學公羅而致之禮遣為弟子有與鄉
薦而貧不能赴春官者公皆厚禮送之由公而成名者衆
歲辛酉徵為戶部右侍郎食從二品祿有重事則以任公
閩浙蘇淞半臨海寇往來海中伺便肆抄掠兵備弛廢

上命公往視閱諸軍脩城堞備戰艦防守之法有當因革
增損者悉以便宜行事政令一新寇不得為害蘇之嘉定
民有田數百畝已歸之官而稅尚在民苦之公蠲其稅甲
子閩中復開銀場又命公往視課頗重者諸減之以利民
乙丑上以陝西緣邊皆宿重兵供仰食內郡何南濱陝多
積粟而諸衛多屯田慮有名無實復命公公按視其廩瘦
考較其耕獲姦弊盡革儲峙以克其他建立皆倍之其紀
者多類此蓋公盡心朝廷遇事勇為為之必盡其方不擇
利害為取舍與人交謙恭和厚言語恂恂有不當其意輒
毅然自任不可回於得失不較也公為人如此上之敬用

公與士大夫之所以期望者蓋有大於此而今已矣豈非
深可惜哉公兄弟三人最相愛長兄寧早卒公撫育其諸
孤以家事屬仲弟宜令季弟寬得專意於學寬遂與鈍亦
相繼取進士而寬為御史焦氏世科之盛人罕有及者公
娶同邑李氏累封至夫人子男二長即鈍即欽公以文行
政事為當時顯人而子又克孝用表著於後庶永永不朽
予家江右素知公且同朝夕相知益深奚可辭故論次其
事之大者系以銘詩而俾刻之石銘曰天祐聖明篤生俊
才侃侃焦公乘時皆來為名進士為賢御史正直自持譽
遠聞爾出副外臺亦克持平教行惠施行為之清遂陞方

伯召公是式亦有咏歌叮于南國天子曰來汝佐司徒邗
大之計汝審厥謨出入中外有勞有烈天不憖貴惜哉此
傑命之不延人亦奚悲功立名存百世之思刻文道周周
負以龜趾云誰為之公寔有子書

浙江圖



浙江圖書館

故通議大夫戶部左侍郎孫公行狀 楊廷和撰

公諱仁字世榮姓孫氏世為貴池人元進士鄱陽尹宗善
之四世孫曾祖爵卿祖伯明俱儒者葆光林下父諱良博
通經史與修永樂大典書成當授官以養母力辭嫡母高
生母方俱有賢行公自幼器識不凡鄉里長老異而目之
甫冠以父命為郡庠弟子負郡博及守貳每誘掖之期以
遠大提學待御孫公屬有司訪求諸生中有德行者置德
行簿註名其上公得孝弟忠信四字正統丁卯舉于鄉景
泰辛未第進士奉使稽永平山海邊
南京戶部主事居歲餘丁生母憂天順丁丑改工部提督

濟寧等閘庚辰調戶部督糧于畿郡監收于京倉所至具
有條理大司徒張公都憲軒公雅重之癸未擢知順慶府
二公深惜其去中道聞嫡母憂凡再守制杜門讀禮服闋
未上改西安府至則消去人隱熏以太和治行異等人吏
悅服成化戊子固原變作王師遠討供億實繁公內理郡
事外給軍中百爾徵需未嘗乏缺賊平之後優詔獎勵癸
巳遷右叅政所部涇陽縣舊有洪口堰山高水下不利灌
溉至是鑿山開道人咸異之明年督修邊牆以禦外侮二
役雖都憲余公為之經畫而周旋從事亦公之蹟也丙申
晉右布政使時流民蟻聚漢中荆襄間渙無所統都憲原

公奉詔撫安之公寔贊襄其事輯盜是圖忍言驅殺已而
議設白河諸縣編籍以居至今按堵明年轉左布政使又
明年擢右副都御史巡撫蜀地先是孝感張瓚蒞蜀挾才
喜事震動揮霍屢造邊釁竭我民力人多苦之聞公先聲
私相慶幸比至簡重沉靜與民更始嚴無峭刻寬無縱弛
惠浹齊民威動邊鄙松茂羗人憑險出沒沮絕餉道公時
時召其酋長諭以朝廷威德後或犯我乃聲罪討之渠魁
授首居人以安前後受詔獎諭者五百金綵幣之賜亦時
有之凡地黃事繁僻近蠻夷州縣皆分地立縣或陞為州
或易置長史以臨之己亥叙慶諸郡歲穀不登輒出公帑

賑卹之且復其家二年招集流亡多所全活待士夫極有
禮義宋學士景瀛墓在蜀郡城東門外為山水所嚙公命
有司遷葬且存恤其後人壬寅冬進階通議大夫贈父祖
如其官公仕于外久年且老子幼累疏乞休以秦中凶荒
與蜀鄰比不得命在蜀八年凡其所行皆可稱述乙巳召
為戶部左侍郎尋請骸骨歸復蒙恩詔晉階二品典刑鄉
里魯未踰年而凶問至矣公天性孝友薦於倫誼一日親
疾亟籲天禱神求以身代後果愈兄弟九人情愛周至怡
怡如也老無間言嘗歆効范文正公買義田以厚族人第
俸資不給中寢然亦每 其餘為兄弟入粟被命服之榮

從子鎧鏗數破其產輒贖還之貧不能婚嫁者亦多賴公
以濟嘗手錄遠祖宋尚書仲益內簡尺牘梓行于世平生
與人不樂况交交必以信歷官垂四十年嚴於自治始終
一節及歸老荒田敝廬悉承先業無所增益所著有東山
稿若干卷藏于家公凡四娶王許姚鄭王鄭封淑人子男
二長鉉蔭國子生兄敬齊子治命為之後者次銅側室李
出女二皆王出長適訓導章璫次適柯榆林其卒以成化
丁未九月一日距其生永樂戊戌六月二十七日春秋七
十鉉等卜以弘治二年 月 日塋于義河留佳山之原
惟公精敏之才鼓譽中外以清介之操致位公鄉其行

于秦與蜀者秦蜀人類能言之比登朝則已衰病侵尋不
盡其所欲為而去識者惜之今大司馬余公於人少許可
每亟薦之或者亦以余公為知人余辱知愛于公最久而
於蜀人中知公特詳鉉因以狀屬余不得辭故採衆所共
知并鉉所告者具書以告于立言君子而請誌于其墓

明故戶部左侍郎明山王公傳

撰

公諱儼字民望號畏菴一號明山先世武昌蒲圻人
大父子民官華容籍焉子民生琛琛生致中致中生
公公為兒秀穎過人及長長身玉立犀角豐盈脩髯
可數望之儼然為諸生操筆屬文動循矩矱天順壬
午舉於鄉成化己丑登進士壬辰授兵部職方主事
癸巳父卒居憂丙申服闋吏部改選都水理呂梁洪
事公曰呂梁水急上下湍悍居中石齒巖窠壞舟難
行乃相東岸斲二渠以引其洪漕船賈舶利之其功

最著 上聞召拜刑部員外郎踰年擢本部郎中慎
刑讞獄以正國法罔不明允甲辰遷四川成都太守
公素廉靜剛果治國理民不苛小節歲餘異政疊出
成都大治語在孫職方言行錄中弘治戊申以母李
安人憂去辛亥起復改守衛輝公信道篤厲節勁以
治成都者治之輝民亦以此附焉當道推薦咸以為
治郡第一甲寅擢河南右叅政輝民臥轍強公遺靴
以志去思丁巳擢陝西右布政使理財節用治奸剔
蠹益殫厥心時上方有旨購玉土蕃諸夷以玉赴
鎮守劉琅琅欲易以獻即檄布政司取萬金售公執

不可琅不得已令夷自貢其後 朝廷以玉僞黜琅
深愧謝已未冬擢副都御史巡撫山東入境即樹風
聲慨然有澄清之志未幾高唐州秀才揚才顯以戲
傳與黨友艾鑑有忿誘殺鑑并殺其妻子三人鑑兄
剛住視隣里誣執不能辨州杖殺之其子王名繫官
亦垂死公鞠理疑焉一日出旋風逐輿公心動曰異
哉梧丘之恠也乃佯不理使人按其蹤跡得才顯情
狀捕問之獲刃於井獲血衣於學宮遂伏誅自後奸
猾震懼山東士民服公擿伏如神維時榆林虜入寇
公陳籌邊四策一曰選將二曰練兵三曰搗營四曰

野戰又經略山東事宜再陳五事一曰通變田糧二
曰更置馬政三曰歸併便民四曰移巡司五曰給關
防 上咸嘉納詞多不載庚申八月晉戶部右侍郎
公清忠鯁亮終始不渝受知

孝廟多所眷注崇王侵民田業事聞命公理之公
至河南悉歸侵地于民王辭不直 上示以威而勞
公羊酒朝皆榮之辛未十二月以疾乞休不允壬戌
再乞不允六月進左侍郎十月戚畹張延齡周壽恣
勢凌人強奪民業公勘之抗疏以聞 上嘉其直賜
宴及寶鏹以褒乙丑歲 孝皇崩

武皇嗣位公聞訃曰吾君已矣吾受不貲厚恩使
不早填溝壑輔翼嗣皇以死為報心之願也言既
悲慟自是不敢言去六月北虜恣寇遣師徂征
上賜璽書命公督理糧餉公輿疾至宣府百方計處
得粟數十萬石以濟公屢上疏乞請諸路芻糧趣各
省邊課上皆允行然語抑權豪中官多銜之丙寅
二月兵部論功賜爵一級公回京陳四事一曰清
邊地二曰計邊餉三曰處芻場四曰遷站堡
上納之賜賚如故夏五月公以宦寺盜權中國罷疲
四夷騷擾行恐致禍三疏乞休詔公進秩乘傳還

公卿大夫郊餞及歸里開榮之居無何逆瑾赫柄凌
轢大臣公聞曰吾屬不免矣乃戒家下束裝以待丁
卯十一月給事中胡玘盤驗大同倉粟虧腐因劾守
臣瑾素惡公剛正以公督餉籍誣罪令金五械繫至
京時理者議公無罪上詔免公歸戊辰夏五月瑾
以公弗謝去怨如舊尋躡其故奏公減勇士布復令
巡按御史解京公得檄即告祖廟携二僕命少子寰
之隨行秋九月下錦衣獄時有人勸公曰瑾擅作威
福擊斷自恣苦公如是索賂爾公曰吾無罪亦無錢
守正以俟死也勸者慙而退幽滯囹圄踰歲己巳夏

四月刑部議公非守典請輕其罪瑾怒矯戍遼東三
萬衛收公累朝誥勅公出獄乃作書貽諸子宏之
等慨然遂行其畧曰吾平生居官不苟非干進也非
求利也將以愛民報主而反為桎梏守正不阿非
希榮也非要譽也將以省愆寡過而反至戕賊是故
深為可痛靜言思之歷仕四十餘年才行同人爵祿
踰量不能如蘧瑗之卷懷而甘受蕭何之獄辱誠為
有盜羞也爾諸子謹身約禮一遵家訓毋辱先人毋
以吾為念諒天王聖明吾罪不誅得歸骸骨以正
首丘天地之福祖宗之幸公至戍所屏居僧舍日檢

方書自適遼之尊貴日遣使存問不絕或有餽遺公
辭不受女貞朝鮮陪臣入貢亦往候謁後徙定遼遼
士夫日來省問詩酒歡娛優游卒歲自分永訣生死
禍福弗動也庚午夏四月安化謀反事寧大赦公

始得歸八月瑾亦以逆誅

詔復公舊職公乃焚香

祝天曰吾以孱軀冒履餽之戒擯諸邊裔言念祖宗
緬然引領南望文矣令得生歸誠天地浩蕩之恩何
以職為再拜而謝放浪明山之間日與弟倬偉徜徉
丘壑以樂餘年時公長子庠生宏之死中子官之宣
之以舉人日侍其側諸孫秀立若瑤環瑜珥歲時伏

臘子弟婦女稱觴上壽與其配周淑人期頤並坐人
望之若神仙然庚辰六月淑人卒公自為葬不欲聞
諸朝廷有司欲奏止之辛巳夏四月

今上即位給事中形橐御史唐符先後論公守正遇
害應進階錄用上特命有司以禮存問亦殊典也

癸酉冬十二月二十六日公寢疾甲申元旦力疾危
坐子孫親族羅外榻前言笑一如平時越五日命諸
子移居正寢遺命勿乞恩葬祭遂屬纊而絕享年
八十有八時公子官之以南康尹聞訃奔喪與諸子
宣之哀毀瘠立某月日奉公柩葬於三里之原禮

也巡按御史王秀以卒聞上哀之下禮官議遣藩
臣諭祭治墳殊恩昭錫光寵赫奕嗚呼榮哉公
自筮仕歷敷內外五十六年器識宏遠治行清脩事
上忠與人敬御下嚴廉於殖財愛民不倦嘖笑喜愠
雖僕妾莫能窺知至於名位爵祿自壯至老一无顛
躓晚年則有遼東之行天乎逆爲不道名世之厄也
而公位軼六卿聲施後世天下咸聞其美矣
論曰昔予仕過呂梁見洪河湯之舟行莫逆乃乃曰美
哉公之功也始勤矣猶未也過汲臺聞甘棠之歌曰
淵哉仁乎廉而惠流而不匱記之者其秦士康海乎

及居長安閱李文正公燕對錄知公受知
孝皇乃為之曰大哉明良之遇也其以德而輔德者
乎不然何知之至也非有實錄誰能書之及聞遼東
之戍又為之曰悲哉其阨也甚猶坦々也是其達道
者乎公之行實若此其大者予因論次為傳具見其
事俾君子得以覽焉若夫言行之美巨細必載則有
錄焉

浙江圖書館



浙江圖書館

野田先生碑

先生姓韓氏諱福字德夫其先天長人也始祖宗哲
有才畧元末嘗為長興侯賓客覩見太祖知天命
有所歸既而去之曾祖弘從戎閔中世籍西安前衛
祖瑛生父鐸鄉試舉人累官茂州知州茂州娶趙氏
生先生後以貴先生贈茂州為知府趙為恭人先生
幼而穎慧長而超拔以成化辛丑進士除知滑縣嚴
已正法滑用大治旋以憂去百姓戀戀若失慈母後
除知章丘治悉如滑三年徵為四川道監察御史巡
按宣大舉刻明允時望是歸陞大名知府知府八年

再入覲 朝廷以其治平為天下第一錫宴吏部觀
者盈道皆爭覩韓大名曰重生包老云陞浙布政司
叅政方去則轉太理寺右少卿奉 勅總理直隸軍
務馬政後陞都察院右僉都御史巡撫保定等處地
方弭盜安民今尠其比復命提督蘇松糧儲未幾又
命回院管事時刘瑾方執事忤瑾下錦衣詔獄三月
始釋後陞戶部左侍郎凡有會議先生惟以是非所
在持論天下陰受其福者多矣 俄命兼左副都御
史整理湖廣糧儲方縑理間值廟堂以遼東屯田清
查失實於是又改命先生往遼東事瑾率以指授先

生惟不如指故瑾益怒先生遂免官歸此正德四年
七月事也先是先生在湖廣魚緣者賂瑾則以先生
封皮北行後一年瑾伏誅竟以湖廣封皮坐累謫戍
回原至今 上即位始赦還西安前衛在田二十四
年康彊無恙自檢益嚴士大夫庶民小子親就先生
如有弗逮春秋八十有一躍馬省耕捷於少年語稱
仁者壽先生非邪弘治乙丑冬予北上會先生於刑
臺其議論皆極當世之務綜理曲折無往不獲予始
物色先生治大名事其先有司嚴保甲教樹藝諸事
則政得樞要故每行必準 璽書所謂政平訟理吏

畏民懷古之循良莫能及也斯實錄矣張益獨撰先生行狀言大名事甚詳蓋有見之言非徒設也壬辰八月丁丑先生卒十一月己未合葬於吳恭人之室禮也先生之孫生員詢長安佳士也予宿重之光宗嗣美當在若人因孫詢請為先生之碑故畧載行事系之以辭庶考德者不厭其繁而步武者能思其要辭曰維先生世之偉人厥藏允厚行方物憚位大弗究豈時命之使然抑在我之何咎木塔新阡兆同元媿履不愧心宜爾遐壽子孫振之且美且秀慶佑自天益遠益懋考德采休視在華甯

通議大夫戶部右侍郎斗菴韓公神道碑

丹徒靳貴撰

公諱鼎字廷器慶陽合水人也曾祖臣不仕祖敬父傑皆以公貴贈通議大夫通政使祖妣高氏贈淑人妣蘭氏封太淑人公生有異質兒時即知慕古不喜嬉戲鄉先生因一見竒之許妻以女長補郡庠生有時名以詩經領成化乙酉鄉舉卒業太學見聞益廣及歸室范又正公祠堂築之左集徒講學漸以鳴世者為準辛丑登進士第乙巳選為禮科給事中公曰給事中職主封駁在今則以言為貴者吾學其可試矣丁未孝宗嗣極首陳公銓選經財用嚴

兵衛崇天道四事尋差陝西寧夏二鎮給散官軍賞賚能
盡革侵漁弊由是人沾實惠戊申遷右給事中時西夷貢
獅所過騷然公䟽言陛下初政放珎禽異獸天下聞而誦
之今未踰年而納此貢恐無以示信於民宜罷遣之又以
皇嗣未廣為憂上言古禮天子一娶十二女以廣儲嗣重
大本也今舍是費圖乃信邪說建設齋醮將以徼福不已
惑乎上惑其言優詔答之進左給事中太常卿夏永中少
卿蒙以祺俱由黃冠至金紫神藥觀道士董素雲竊祭服
售人事覺因火其葺以滅跡永中等庇素雲以災聞公請
明正其罪且乞用文學之臣以克太常庶知法守素雲乃

下詔獄衆論快之親藩將行婚禮詔給淮鹽一萬引為助
公言凡賜鹽須遣中使支鬻因多市私鹽舟艦塞江官莫
敢何問鹽法且大壞請令有司給價與之使詔如公言是
時四方奏報災異甚多上懼徹樂減膳詔百官脩省言缺
失公陳謹大要堅大信崇節儉簡大臣重藩臬五事明年
辛亥又上明正學遵舊制抑異端三事復因星變極陳時
弊指斥貴近無所回互且乞遍覽群臣章奏言有理者悉
施行之上皆嘉納擢通政使司右叅議乙卯應詔陳言有
克實心以消天變清軍匠以省京儲正服舍以革僭越抑
豪右以便商民數事言亦剴直調南京尚寶司卿尋改

南京通政使司左叅議唐申擢右通政駐安平鎮督理河
道公申明禁例不為貴勢所奪又置朱家淺等閘使水有
節縮濬汶上菜蕪諸泉於河運舟賴之隄南旺湖以障泛
溢民得耕種其湖外田流徙者復業乙丑擢通政使督理
柴薪於易州廠盡剔宿弊完通薪一千七百萬有奇以母
憂去職服除遷戶部右侍郎遂引疾致仕既歸脫略邊幅
日與親識觴詠為樂鄉人益敬重之後生被其接引者皆
自以為得所歸依不忍去正德乙亥三月十二日卒壽七
十有九配田氏封淑人子男二人長守愚戊辰進士翰林
庶吉士授兵部主事左遷開封府同知次守鈍早卒女三

長適山東按察副使何宗理次適慶陽衛指揮倪斌公為
給事中遭際聖明言輒為上用天下多稱其直嘗謂
言官進言宜切時弊證以先生之法酌之中道庶有裨於
治其考績當以所言事關國家大計者多寡為殿最不當
叙文書出納為年勞又為收君之過不若養君之德諫官
言事當在經筵勸講後識者以為名言涖官所至皆著能
聲而安平惠政尤多民思之為立生祠云所著有斗菴集
一卷尚寶司寶錄一卷慶陽府誌十卷歲於家公既卒訃
聞賜葬祭如制守愚以墓碑不可無述乃持其鄉人四川
按察副使王君綸狀請予文銘之夫銘者銘述其德善勲

勞昭示後世銘也已銘曰在昔孝皇既明且仁言路弘開
時多直臣公也侃侃有獻有替匪以邀名矧為身計淑者
扶之隱者斥之夷鬼亂教我屏息之王綱有赫袞職無闕
正論讜言追配先哲厥後外陟于南于北維布維宣咸有
政績其政于河河無逆波維生有祠民思則那生有令名
沒有恩榮有祭有葬卹典亦豐墓上之碑表行有銘我言
非誣憲使是徵

浙江



浙江圖書館



浙江圖書館



浙江圖書館

浙江圖書館善本


甲登記號：006660

一九 年 月 日



浙江圖書館


colorchecker CLASSIC



xrite



colorchecker CLASSIC



浙江圖書館

x-rite

100mm